

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU
Broj: 65 0 Ip 1071099 24 Ip
Sarajevo, 07.07.2025. godine

OPĆINSKI SUD U SARAJEVU, sudija Aleksandra Kolašinac, u izvršnom postupku tražioca izvršenja KANTON SARAJEVO, ZASTUPAN PO PRAVOBRANILAŠTVU KANTONA SARAJEVO, Branilaca Sarajeva 21., protiv izvršenika UNIVERZITET U SARAJEVU, Obala Kulina Bana 7/II., radi izvršenja, prodajom pokretnih stvari izvršenika putem javnog nadmetanja, na osnovu člana 126 i 130, a u vezi sa članovima 135, 82, 87, 88 i 89 Zakona o izvršnom postupku („Službene novine Federacije BiH“ broj 32/03, 33/06, 39/06, 39/09 i 35/12), van ročišta, dana 07.07.2025. godine, donosi slijedeći

Z A K L J U Č A K

- o prodaji pokretnih stvari -

Određuje se prvo ročište za prodaju pokretnih stvari izvršenika koje stvari se nalaze u Sarajevu, na adresi ulica Obala Kulina Bana 7/II., putem usmenog i javnog nadmetanja i to:

br.	Opis popisanih stvari	kom.	vrijednost
1.	RAČUNAR „DEL“,	1	1.500,00 KM

ZA DAN 15.08.2025. godine u 09,00 SATI

koja će se održati u zgradi Općinskog suda u Sarajevu, ul. Šenoina br. 1,
kancelarija broj 454/IV – Služba sudskih izvršitelja

Pravomoćnim Rješenjem o izvršenju Općinskog suda u Sarajevu broj 65 0 Ip 1071099 24 Ip od 13.02.2024. godine određeno je izvršenje pljenidbom, procjenom i prodajom pokretnih stvari izvršenika.

1. Konstatuje se da je sudski izvršitelj obavio pljenidbeni popis i procijenio vrijednost pokretnih stvari o čemu je sastavio zapisnik, a zaplijenjene pokretne stvari ostavljene su na čuvanje izvršeniku do okončanja izvršnog postupka.
2. Ročište za javno nadmetanje održat će se i kad prisustvuje samo jedan ponuđač, a sud će zaključkom na zahtjev lica koje ima pravo prvenstvenog namirenja odrediti da se ročište za prodaju odgodi ako učestvuje samo jedan ponuđač.
3. Sud će u smislu člana 77., a u vezi sa članom 135. zakona o izvršnom postupku, zaključkom, a na zahtjev zainteresovanog lica, omogućiti razgledanje zaplijenjenih pokretnih stvari, te istim odrediti način i vrijeme razgledanja uz prisustvo sudskog izvršioca, koji zahtjev mora biti podnesen u pismenoj formi 8 dana prije održavanja ročišta.

4. Na prvom ročištu za prodaju pokretnih stvari putem usmenog i javnog nadmetanja pokretne stvari se ne mogu prodati ispod 1/2 (jedne polovine) procijenjene vrijednosti, a ako se pokretne stvari ne prodaju prilikom prvog javnog nadmetanja, odnosno na prvom ročištu, sud će na prijedlog stranaka, odnosno zahtjev tražioca izvršenja koji se može podnijeti u roku od 8 (osam) dana od dana održavanja neuspjelog ročišta, zakazati drugo ročište na kojem se pokretne stvari koje su predmet prodaje mogu prodati bez ograničenja u pogledu iznosa njihove cijene.
5. Ako stranka u roku o 8 (osam) dana ne predloži održavanje drugog ročišta za javno nadmetanje ili ako se stvari ne uspiju prodati ni na drugom ročištu za javno nadmetanje, sud će postupak obustaviti.
6. Ponuđač s najvećom ponudom će platiti cijenu za pokretnu stvar odmah nakon objavljivanja rezultata, a sud će nakon uplate cijene donijeti rješenje o dosudi, te rješenje o namirenju.
7. Kao kupci na javnom nadmetanju mogu učestvovati samo osobe koje su predhodno položile osiguranje koje iznosi 1/10 (jedna desetina) određene vrijednosti pokretnih stvari koje se žele kupiti, s tim da iznos osiguranja ne može preći iznos od 10.000,00 KM.
- 8. Osiguranje se polaže na depozitni račun Općinskog suda u Sarajevu broj 1411965320009639 otvoren kod BBI banke s naznakom broja predmeta.**
9. Ponuđačima čija ponuda ne bude prihvaćena, osim za tri najbolja ponuđača, vratit će se položeno osiguranje odmah nakon zaključenja javnog nadmetanja.
10. Od polaganja osiguranja u ovoj izvršnoj stvari oslobođen je tražilac izvršenja.

Ovaj Zaključak objavit će se na oglasnoj ploči Općinskog suda u Sarajevu, a tražilac izvršenja može o svom trošku Zaključak o prodaji pokretnih stvari izvršenika putem usmenog i javnog nadmetanja objaviti u sredstvima javnog informisanja.

Sudija
Aleksandra Kolašinac

POUKA: Protiv ovog zaključka pravni lijek nije dozvoljen.